

Reglur um frístundastyrk til barna í íþrótt- og tómstundaiðkun

Úthlutunarreglur

1. Markmið

Markmið og tilgangur frístundastyrksins er:

- að styrkja 6 til 16 ára börn í Vestmannaeyjum til þátttöku í uppbyggilegu frístundastarfi og auka möguleika til þátttöku óháð efnahag
- að ýta undir aukna hreyfingu og félagsþátttöku 6 til 16 ára barna
- að vinna gegn óæskilegu brottfalli í eldri aldurshópum iðkenda
- auka virkni í frístundartíma barna

2. Frístundastyrkur

- Frístundastyrkurinn er kr. 25.000,- fyrir einstakling á aldrinum 6 til 16 ára.
- Frístundastyrkurinn er fyrir börn með lögheimili í Vestmannaeyjum.
- Frístundastyrk er úthlutað til foreldra/forráðamanna vegna greiddra þáttökugjalda hjá þeim félögum/fyrirtækjum/stofnunum sem hafa gildan samstarfssamning hjá Vestmannaeyjabæ. Lista yfir samstarfsaðila hverju sinni má sjá á heimasíðu Vestmannaeyjabæjar.
- Gert er ráð fyrir að tímabil hvernar styrkveitingar sé almanaksárið og yrði því styrkurinn til ráðstöfunar frá og með 1. janúar ár hvert.
- **Réttur til frístundastyrks fyrir hvert ár fellur niður í árslok. Ónýttir frístundastyrkir geymast ekki milli ára.**
- Hægt er að skipta frístundastyrknum niður á fleiri en eina tómstundaiðju en ekki þarf að ráðstafa öllum frístundastyrknum í einu.
- Frístundastyrkur er einungis greiddur út vegna námskeiða sem standa yfir í a.m.k. 6 vikur samfelld.
- Frístundastyrkurinn gildir ekki sem greiðsla fyrir aðbúnað, ferðalög eða annan tilfallandi kostnað vegna keppni eða þjálfunar.

3. Skilgreining á samstarfsrétti félaga og fyrirtækja

Meginskilyrði fyrir endurgreiðslu til foreldra/forráðamanna barns er að starfsemi íþrótt- og tómstundaiðkunnar sé á forsendum uppeldislegra gilda og forvarna í víðustum skilningi. Starfsemin fari fram undir leiðsögn hæfra starfsmanna, þannig að fagmennska sé viðhöfð við tómstundastarf og þjálfun barna.

Félög, fyrirtæki og stofnanir sem vilja gera samstarfssamning við Vestmannaeyjabæ verða að auki að uppfylla öll eftirfarandi skilyrði:

- I. vera með skilgreinda starfsemi sem fellur undir markmið laga, reglugerða og stefnu Vestmannaeyjabæjar
- II. hafa rekstur undir eigin kennitölu
- III. hafa aðsetur í Vestmannaeyjum

Ekki er hægt að gera samstarfssamning vegna kaupa á árskortum í líkamsræktarstöðvum en skipulögð unglínganámskeið og dansnámskeið innan líkamsræktarstöðva geta fallið undir skilyrði til samnings.

Aðilar skila skilgreindri umsókn til Fjölskyldu- og fræðslusviðs sem metur umsóknir. Samstarfssamningur tekur gildi næsta virka dag eftir samþykkt sviðsins.

Samstarfsaðilar skulu ár hvert skila greinargerð til framkvæmdastjóra Fjölskyldu- og fræðslusviðs varðandi starfsemi sína og þar skal koma fram m.a. upplýsingar um fjölda iðkenda, eðli starfseminnar og gjaldskrá.

4. Verðlagning

Gildir samstarfsaðilar Vestmannaeyjabæjar skulu leitast við að stilla verðlagi á æfinga- og þáttökugjöldum í hóf og senda inn gjaldskrá sína til Fjölskyldu- og fræðsluviðs fyrir upphaf hvers annar/tímabils.

Skilyrði fyrir áframhaldandi samstarfi frá ári til árs er að samstarfsaðilar hækki ekki gjaldskrá sína umfram eðlilega vísitöluhækkun á ári hverju.

6. Framkvæmd frístundastyrks

Um er að ræða beingreiðslur til foreldra/forráðamanna barns. Úthlutun frístundastyrkja fer fram í gegnum Vestmannaeyjabæ.

Foreldri/forráðamaður greiðir þáttökugjöld í nafni barns síns til samstarfsaðila Vestmannaeyjabæjar og framvísar frumriti kvittunar ásamt umsóknareyðublaði í þjónustuveri Ráðhúss.

Á kvittun skal koma fram:

- Nafn og kennitala iðkanda
- Tímabil og heiti námskeiðs
- Nafn samstarfsaðila
- Heildarupphæð greiðslu fyrir námskeið
- Dagsetning greiðslu
- Undirskrift fulltrúa samstarfsaðila
- Stimpill samstarfsaðila

Á umsóknareyðublaði foreldri/forráðamanns skal koma fram

- Nafn og kennitala iðkanda
- Nafn og kennitala forráðamanns
- Tímabil og heiti námskeiðs
- Sú upphæð sem óskað er eftir í styrk. (Athugið, ekki er hægt að ráðstafa hærri upphæð hverju sinni til styrkveitingar en námskeiðið kostar)
- Upplýsingar um bankareikning sem styrkur er greiddur inn á
- Dagsetning umsóknar
- Undirskrift foreldris/forráðamanns

Að jafnaði eru styrkir greiddir til foreldra/forráðamanna fyrsta virka dag næsta mánaðar

Greiðslur vegna námskeiða hjá nýjum samstarfsaðilum Vestmannaeyjabæjar eru styrktækar í allt að 1 mánuð fyrir samþykki Fjölskyldu- og fræðsluviðs um nýja samstarfsaðilan. Viðkomandi námskeið þarf þó að vera innan almanaksársins.

7. Undanþágur og vafaatriði

Fjölskyldu- og tómstundaráð hefur heimild til að veita undanþágu frá þessum reglum. Ef upp koma vafaatriði mun ráðið skera úr um það.

Brot félaga/fyrirtækja á reglum og skilyrðum fyrir frístundastyrknum getur leitt til endurskoðunar á úthlutun.

8. Annað

Frístundastyrkur til barna og unglunga í íþróttá-, tómstunda- og æskulýðsstarfi í Vestmannaeyjum er í umsjón framkvæmdastjóra Fjölskyldu- og fræðsluviðs sem veitir nánari upplýsingar.

Verði ofgreiðsla að ræða af frístundastyrk áskilur Vestmannaeyjabær sér rétt til að krefjast endurgreiðslu.

Sé ofgreiðsla á grundvelli rangra upplýsinga eða umsækjandi ekki tilkynnt um breytingu á högum sínum sem hafa áhrif á greiðslu frístundastyrks er heimilt að leggja dráttavexti á upphæð endurkröfunnar.

Samþykkt í Fjölskyldu- og tómstundaráði 14. desember 2016

Staðfest af Bæjarstjórn Vestmannaeyja 21. desember 2016